

陳

眉

公

集

陳眉公集卷之二

雲間陳繼儒仲醇著

五言古詩

夢遊仙

我無休糧方但餐北斗漿脩髮披兩肩燁燁生紫光
稽首拜上帝玉女笑其傍授以三皇書坐以七寶床
謹侍不敢譁神氣元飛揚拜謝出天門鶴羽刷如霜
骨冷何可言明星在衣裳

入山招隱

背負五嶽圖持鏡入巖去但聞狐兔鳴陰風戰秋樹
不知英雄人渺渺在何際我來非採藥要以訪國器
深山寂無聞豈其避時忌網羅彌空谷慷慨鬼且句
且鑿石窟根而以陰符秘落落瀑泉寒樂饑有真味

山居謝妓

春柳鵝兒黃春水鴨頭綠春衫燕子青有美顏如玉
倚棹杏花梢清歌入脩竹竹裏白茅茨先生巾一幅
反戶讀道書見者欲退縮至德不可名君平初罷卜

贈陳貞母

鳳皇忽分飛雛毛雲五色辛勤哺其兒孤影當四壁
朔霰與寒風操杼不停織挑鐙掩柴扉嘆息繼以泣
雙鬢任飛蓬容華豈施澤苦節甘如飴堅心固于石
願言百歲姿清風挺松柏

和王青浦盤花作

盤花本何常如人在所處春枝故纖纖春意自圍圍
綰結白露溥天矯朱霞舉錯列羣芳中約束類邾首
退就孤石畔簡踞似巢許非屈亦非伸解笑不解語
彈指一拈花咄哉誰縛汝

朱脩能以梅花時復訪余白石高齋因次前韻

索和四首

春山春尚寒撥火煨黃獨有客犯嚴霜就我勸耕築
東嶺移短松西窓補叢竹豁達虛其中前見平疇綠
柴柵與鹿眠崑壁付僧宿農社無愆期僮約頗如欲
種秫兼種花采藥先采菊常守庚申神不離子午谷

其二

去年君出山樹與老夫獨獨荷三尺鉏草草自營築
種梅白如雲高者透庭竹纍纍紅銷旁萬斛吐珠綠

去年君出山樹與老夫獨獨荷三尺鋤草草自營築
種梅白如雲高者透庭竹纍纍紅銷旁萬斛吐珠綠
月墜參星橫徘徊未能宿且落還且閑留汝花亦欲
對此不盡觴空期就叢菊相彼鳥嚶嚶聲聲在幽谷

其三

短策多因緣相隨往來獨得子成三人臥起在新築
桃萼參差紅灼灼亞深竹竹迸石竅虛疏剔破空綠
險勢如墜崩猱攫不敢宿而我好奇者頗愜平生欲
坐上北海尊籬下南山菊何必窮仙源况乃尋鬼谷

其四

遊名在深林林僻良難獨小結黃茅茨半假赤壤築
有衲清如泉詩骨瘦于竹矐目霄漢中坐徒松陰綠
招汝下關齋我留一覺宿伯夷去未遠至人本無欲
鉤鼎屑梅檀齏鹽薦苗菊此味難具陳永矢考槃谷

湖石

我遊太湖山之載太湖石危檣張飽帆輦致如重譯
七十二芙蓉片片忽狼籍何意水中雲遠作堂下客
愧無亭與榭委頓臥空澤何當松竹友錯列衆蒼壁

坎者窪我樽坦者施我席老夢洞庭秋秋陰滿窻碧
七言古詩

賀袁振南得子

昨夜長庚落如日光芒射地馬驚櫪團團已作五花
紋翻身便踞獅王窟奮毛張牙氣食虎將種從來自
能武他年攀矢射天狼桃花酒酌燕山左

秋日有懷山中舊居

秋杉蕭疎倚山屋霜痕半印糜與鹿水寒溪潮凍不
上瀑泉雲中自連續連續連續衝石花半帶殘水下

空谷何時解落瓢共笠抱月其間伴鷗宿

觀燈歌分韻得花字

明河欲墮天沉冥湘簾月冷竹枝青入門疑坐琉璃
界滿堂亂插芙蓉屏風流吾愛張大夫夜深不問城
上烏鷓杓香浮紅琥珀龍膏光映碧糝糊使君謫下
飛天仙手揮如意獨翩翩五色卿雲走筆底百斛驪
珠瀉錦箋竒文自足掩星辰妙歌何用驚落塵况有
高堂座上客擊筑吹簫盡酒人人生得酒卽丹砂不
須石髓與胡麻吾醉欲扶雙屐去方知轉眼是空花

壽東鰲項華亭歌

括蒼之巔多醴泉中有大令稱神仙
曾中盤礴千里之雲麩舌端紛吐
十丈之青蓮靈鳧玉鳥飛翩翩
昨飛巴蜀今雲間雲間竹馬羅郊原
拜祝明府前致言自言昔日水旱若
朱雀縱橫射玄武福星一夜臨東吳
鴻鴈嗷嗷翔樂土潢池水清劔不腥
百里旗亭靜鳴鼓千村萬巷社酒香
醉來擊壤追羲皇麥雲初秋柘枝暖
家家誦讀羨農桑太平如海問誰賜
有脚陽春項候是四月欣逢壽域開
琉璃杯泛霞光紫考巖

鼓炙鳳笙赤松黃石董雙成白雲之曲歌長生河陽
滿縣花正明清和棠樹啼新鶯君侯樂矣康且寧手
招黃鶴下華亭銀鷄鐵豸聲冷冷星幡寶幢兮負璽
書而朝 帝京黃金如斗肘後橫御展歲歲題榮名

朱明初麗歌

括蒼之山南明水峯巒削出芙蓉紫聞有真人棲其
中上騎黃鵠下朱鯉清風吹送到華亭忽見東方懸
歲星案前柱笏九三近隔簾峰泐當門青兩年水旱
太無賴賴有明明項侯在絃頌聲傳里井中農桑綠

遍郊墟外君侯端見坐琴堂一片冰心秋月光桃李
紛紛滿潘縣人言疑是錦河陽河陽正屬朱明麗行
粉生衣蕙吐穗此日壺中景最長鶯雛燕子啼芳樹
紫芝之曲白雲滂翠管銀漱碧玉簫咲進南山十石
酒丹頤赤輔仙王喬王喬雙鳥生羽翰還看鳧舉飛
天半金貂鐵豸五色驄千秋長侍明光殿

送項東鰲舉召北行

潘岳宰河陽但裁一縣花葛洪乞勺漏但煉千年砂
何如侯下車教我以桑麻桑麻雨綠田臚臚犢兒晝

眠雉媒舞簾卷香清淨撫琴鶴鳴吏散松陰午里巷
疊絃歌江亭偃旗鼓書不可留揚帆渡前浦楓葉
點桑林芙蓉映秋塢父老拜雙旌陳辭亦良苦君不
見西北徵兵似蝟毛東南催賦如猛虎安得三年杜
母與召父項明府

山居漫興

余以秋季比冬未避喧山中漫賦此歌以卽事并寄懷云

西風捲出山雲寒雲端瀑飛如急湍此時殘楓碎于
錦但坐溪閣吟且看閣中凍硯墨花冷捲簾窗雪盤
朱闌擁棗撥火酌新酒不堪着爾竹葉冠細焚梅檀

篆烟白宿灰露火紅若丹長安塵沙撲馬足咲他奔
走空辛酸不如高枕聽山鳥只愁壺燥詩腸乾

贈人

人間十九倚塵堵五濁紛紛不堪數隙中駒影閉是
非誰向青霄夢千古羨君策足踏烟雲嶺頭笙鶴遙
相聞醉鄉遨遊日復日醒來落花滿雙膝世事醒
不足言且須一夜傾千石碧天秋月君爲心洞庭
夢澤吐且吞浣盡斗餘俗子腸松前箕踞彈瑤琴墨池
雨晴蕉葉綠咫尺市頭如空谷簷阿棋韻響丁丁散

入東窻一林竹有樂如此亦足矣此心莫向江頭洗
吾心亦自空無塵同摘芙蓉看秋水

題璉君璉畫

與可爲竹枝日觀寫蒲菊半與書法通落落風簫簫
仲玉之書多晉骨兩窻幻出青山色仔細看來不是
山却是南宮米顛筆

沈園與諸生讀書作

沈郎城邊有荒圃九分池塘一分土年來催盡百花
枝唯有垂楊秀楚楚吾從春風掃屋坐茗椀薰爐與

茶磨但將池水作灣籬橋斷那容俗見過十二時中
何所爲洗竹澆花是功課諸生莫向塔前行白鳥驚
飛碧苔破

送何師南遊

秋來冉冉雲滿谷叢桂繽紛飛萬斛丈夫越此宜壯
游人生相聚豈麋鹿道傍半熟棗與梨餉筐雜杏村
墟擬農歌聲入棹歌裏夕陽茅屋拖殘霓山市下車
初及燭鷄鳴馬槽霜樹綠行行望見城上宮紫翠飛
來何陸續吊古還登李白臺吾師不減青蓮才題詩

潑墨鳳凰石風風雨雨生蒼苔人家丘園籠袖橘杯
底泉流吟蟋蟀六朝金粉不見人萋草萋萋沒巖膝
幸有綠筆吐詞源相逢騷客能卮言白門紅板烏啼
夕他日歸來知夢騫

彥平社兄以端午歸攜李戲作歌以贈之書于
文度畫扇之左

彥平峭帆欲歸去文度爲寫米家樹秀水從來無片
山此山還是九峰處峰頭月出尚可呼君酒笑踏鴛
鴦湖獨甕新開麥青酒剪刀細劔灘邊蒲蒲花初白

葵花紫掠簷點點雙燕子懸門絡索半桃枝入夏風
光從此始老親醉倚藤下棚君試過訪秋潭僧肩公
歸後衙門閑棹入湖中樓未曾樓當楊柳秀楚楚堪
作清風銷夏塢莫老是鄉須早來休畏內家如艾虎
壽詹郡侯三月誕辰歌行

春風吹動海門潮鮫宮珠媚珊瑚嬌安期手拍綠玉
板雙來奏出金雲璈翩翩前爲君侯壽擘麟炙鳳東
方桃君侯軒然進三酌鸕鷀之杯鸚鵡爵堂上垂簾
草庭青冰絃再訪松筠薄君侯爲政卓無前誰爲勸

海誰頽川雙魚珮響隼旗翻始知陸地多神仙仙期
况當春季月海棠垂絲柳垂葉燕子倉庚貼地飛滿
地桃花擁車輒行車隨處問農桑前騎竹馬後壺漿
願祝君侯百千壽春風歲歲紫霞觴

夜飲蘆花灘歌

蘆花作主吾作客蘆花點頭我拍膝白鷗啣住綠蓑
衣使我欲行行不得我醉欲倩蘆花扶蘆花太嬾可
奈何不知呼出青天月大家躍入金葫蘆

楊孝子歌

有叙

肅廟時以諫死者有兩楊先生忠愍公與柳齋公是也忠愍之子以遺詔恤錄有聞于時而懋延君先抑齋公絕食死故獨里人至今痛悼之而天下士大夫猶罕傳其事君子孝忠裕上書于朝將以次表其忠孝大節以示天下之爲人臣子者儒野史也于是爲短歌志之

男兒何必封公侯但願名節垂千秋鬚眉不挂人間羞况肯消歇沉蒿丘立朝啞啞關其口無乃纓冠化爲婦黃門簪貂獨鳳鳴白日群羊怖獅吼叩閣竟無

聞含沙暗相射。天子好長生。求芝向山澤。嚙崖骨。
葛不可梯。毒霧霾烟。猿夜啼。腰鑊負。鍊心棲。棲有藥。
莫獻空。傷悲空。傷悲絕粒。虎忠孝。名照青史。彼讒者。
誰乃如此。七尺之顙。豈無泚。嗟哉紛紛。狐與豕。君不
見楊孝子。

梅顛道人歌

白苧鄉桃花里。鴛湖如鏡霞如綺。道人散髮坐梅墟。
手扶飛仙弄烟水。鸚鵡千言擅藝壇。魚腸三尺驚都
市。鷗冠鳩杖任逍遙。笑指西山白雲起。饑來羞貸監

河種生立懶着平原履墨池筆塚琅玕箋摹得黃庭
實堪擬羽衣袖子扣松扉春色年年只如此吹笙炙
管亂飛觴天酒霞漿石中髓鳥啼客散茶灶寒月上
窻紗半成紫有時一夢破羅浮踈影清香飛帳底巧
綴宮粧覺大妍烹煮丹砂盡今歿何必安期棗韓終
李

秋日過師古先生草堂漫賦

湖水綠蘆花黃有客來初斜陽斜陽半漏欲織雨船
頭載花接船尾竹簾布幔橫短鉤菱葉蓴絲滿筐筥

秋烟斷秋空晴隔灘漁父呼先生蟹肥稻熟村醪清
三三兩兩隨風行羊裘何必逃其名黃沙撲面長安
去馬蹄波浪人難住吾曹坐此夢亦安捲棹前門繫
紅樹

六旬雙壽

爲張孝廉尊人作

吾聞親在不稱老君家阿翁髮皓皓短筇挂瓢菱挂
錢年少場中去偏早歸家呼婦復呼兒倚壁吹燈理
詩草轉眼俄稱六十人短褐風霜共綦縞孝廉已成
天下士門徑蓬蒿尚堪掃今朝生日昨花朝繁李穠

桃坐黃鳥九月清霜秋一籬黃花更比花朝好有花
有酒春與秋不惜尊前醉傾倒鹿門夫婦老萊妻入
生何必中書考

青谿王使君貽盤花詩其詞甚悲因廣其而反
之作盤花歌

使君寄我盤花詩夜靜惟聞花嘆息強項難教易擾
馴折腰轉從疑迂謫年年舊蕾發新枝每恨生花晚
生核拘束東皇不自由却使花神困資格解粘釋縛
是何時且與先生伴花癖招以小山之叢桂嗽以仇

池之綺石鈴索何煩特護持剪刀休遣輕攀滴紙窓
茆屋有名姝細雨清風非暴客君不見長安街頭春
可惜兩肩桃李如薪積徧走王孫及內家論短論長
無定額賞花人少賣花多擔出都門半狼籍

護松篇爲馬仲良關使君作寔從趙凡夫之請
也

長松落落支刪側屈曲磔砢橫復直直幹數圍橫百
尺十里濃陰半山黑野火不敢燒精魅不敢匿村翁
不記年依稀傳是支公植支公愛此秀而野松邊調鶴

還調馬皮皴髯禿化獰龍誰知後有屠龍者寒山居士住東山無計留松淚盈把發書告急關使君一朝脫濤爲君主捐金贖取十八公歲寒孤節仍摩空空山爲君下明月海濤爲君生涼風兔絲未斷伏苓老願君壽與青松同

題十峰圖

真人棲三山羣帝鎮五岳君居季孟間九峰在掌握九峰洛洛成列星迥含紫翠排空青海色晴驕泐吞吐松蘿數里烟冥冥烟消綉出芙蓉鏤半露僧樓與

仙閣處處年年我獨遊三尺枯藤似飛雀曾向崑山
偶築臺容尋又避于將來秀林覓得一杯土杏花繞
屋堦生苔漢陽聞之結幽屋朱欄高下千竿竹公覲
經營白石庄亦有瑯玕媚幽綠吾師高敞當鳳凰修
梧叢桂生清涼君策宛轉多曲室花源回抱如滄浪
洗石穿泉剪荆棘黃金頗費愚公力何似如君作主
人十峰坐領烟霞色主人胷中數萬兵東山未肯屬
先生不如剪取畫圖裏峰外白雲長迎

贈孫雁洲先生

孫山人家負郭桑枯不養蚕松短不養鶴縛茅結屋
臨水濱短洲清淺蘆花薄蘆花欲白雁欲歸磯頭涼
露侵蓑衣水陰淡薄寂無影鼓聲長帶秋雲飛飛去
飛來聲不絕月色紛紛冷如雪夜深何似更悲鳴愛
與山人助高潔山人聞此亦欣然竹枝高懸一百錢
酒後逢人下騾去吾與沙洲白雁眠

送孫世聲遊白門

秋江之水如苔綠白葦黃蘆橋數曲棹頭蹲坐長須
奴驚起鴛鴦與屬玉峭帆擊鼓浪拍空鼓聲蓬聲俱

有公集 卷二 十四
飽風有客大醉嘯歌去只在金焦烟樹中樹中烟銷
露山色紫翠空青馬頭織白門霜落鳥亂啼朱樓月
冷知相憶相憶故人金屈卮琵琶嗚咽宜不宜梧桐
颯杳井欄靜板門嘶斷王孫羈登高弔古方及暮吹
簫更上桃葉渡六朝金粉秋夢殘寒鳥聲聲問前路
孫郎鵝冠復鹿裘傲骨那肯干諸侯惟將三寸禿班
管却以風流王謝收年來余絕遠遊興雙屐付君君
濟勝他時回到三山顛五岳圖文照魔鏡

梅顛道人歌

白苧鄉桃花里鴛湖如鏡霞如綺道人散髮坐梅墟
手挾飛仙弄烟水鸚鵡千言拉秬垵魚腸三尺驚都
市鶴冠鳩杖任逍遙關指西山白雲起饑來羞貨監
河根生平懶着平原履墨池宅塚垠圩門摹得黃庭
平堪擬翠袖少叩松房春色年年只如此吹笙炙管
亂飛觴天酒霞漿石中髓鳥啼客散茶竈寒月上窓
紗半成紫有時時夢破羅浮踈影清香飛帳底巧綴
宮妝覺大妍烹煮丹沙盡令罪何必要期棗韓終李

淮公集卷之二

陳眉公集卷之三

雲間陳繼儒仲醇著

五言律 七言律

題淵明蓮社圖

吾聞謝在山出入每扶掖三人挈衣裾四人提座席
乘 廬阜前遠公願不憚何如藍輿翁肩頂風蕭蕭

佘山即事二首

種花先種藥買山先買泉泉流茶竈下藥繞竹溪間
高齋列圖史賓主各頽然相看不忍別松月共床眠

其二

幽花開徑後
卷石化名山
岩戶轉如畫
雲谿不灣
簾疎花窈窕
松冷鶴高閒
祗是詩僧至
先生一啓關

園居四首

其一

一自謝塵鞅
春風殊好顏
焚香觀夜氣
隱几夢青山
曙鳥已喧樹
門生爲啓關
日高桑陰下
耕者正閒閒

其二

花木滿城闕
先生一室寬
春衣風力弱
香草雪痕乾

中山多唐突投竿獲喜歡何如行役者僕僕望長安

其三

買得城隅圃新題寄寄園水扉青槿抱板屋白茆存
經受蠻僧譯風傳野老言何時解瓢笠借此負朝暄

其四

方朔餓欲死淵明飢所驅慙余飽藜藿高枕臥菰蘆
春雨生蝌蚪池花礙燕雛晚來風日好信杖立斯須

寄王辰玉

明月在高樹遶庭歌考槃谷風自容與古調太清寒

念子令人遠勞心及夜闌平生不識路何以夢長安

遊小昆山

支公不可見空有支硎名佛壁生陰火僧厨臥酒罍
夕陽猶在屋怪木半成癭唯有山前地年年好種耕
薛伯起來自四明同郁太碧何士勝集林元裕

山中

勝客垂軒至空庭鶴欵扉城烏寒自語霜葉凍還飛
醉擊芙蓉劒寒生薜荔衣聚星占太史莫問故鄉非
送陸君策計偕

陸賈裘如水蕭蕭但莫邪將車涉遠道策馬任寒沙
北地雖雨雪東風多杏花况聞關塞上青草不鳴笳
送郁太碧歸樵李

紫玉龍髯塵青羅雀髦衣登船揮手去對月釣魚歸
烟雨樓中酒鴛鴦湖上硯朝朝讀秋水夢挾浪花飛

寶劍

黃金裝寶玦白玉琢文螭結托豈無客飛鳴定有時
靈光離匣走生氣作龍悲貧若思酬價乾坤正可疑
秋日山遊夜宿僧房作

土室秋如許繩床夢亦輕竹深多刻句花亂不知名
一鉢青菰飯半窗黃葉聲鍾殘午齋後馴雀送人行

送友之京

一卷天人策秋風獨遠征黃河霜後月紅紉驛邊城
馬足春水薄雞鳴關吏迎前途更風利向晚莫貪程

山中作

話隱愜中年山廬枕墓田心空鄙章句骨傲薄神仙
花露一覆鶴松風十五絃名僧南岳至永夜獨安神

答天台僧寄惠藤杖

僧寄天台杖支予獨上臺借它時點綴不是老相催
打果驚黃鳥疏泉破碧苔秋聲滿松壑并與夕陽來
送郁太碧歸就李

楚火照積雪枯冰粘渡船此時游子夢但與暮雲連
沙白鴛鴦凍霜晴湖水鮮歸來解裝橐棠棣有新篇
雨夜召客

殷殷南山雷閣間北風雨歸鳥飛且停行舟去還止
我開床頭爰去約山中侶莫憚石苔滑黃昏幸相許
贈秋潭僧

人與寒雲淡身如秋葉輕非關任禪寂兼欲遣詩名
蘿月辭潭影松風遍茗聲爲憐苔蘚碧不敢下階行

初夏同唐元徵楊彥履范爾孚董玄宰看花集

酌顧中翰東園分韻得花字

啣杯當淑景移席就名花漾白看飛雪搖紅散落霞
醉鄉喜無稅酒畔卽爲家不覺青山暮歸鳥不淺沙

送太府李思解郡

借冠不可得御李今何之紛紛父老淚零落柳花時
直道三遭黜清風百世師心縈離別外立馬故遲遲

壽何五泉六十

蕙帶菱荷裳朱顏鬢未霜門辭長者轍酒共少年場
有子皆鸞鷖隨兄尚雁行百年行樂徒秋月藥攔香

贈張慎伯

五岳歸來後一燈趺坐時長留翻貝月重補看花詩
積蘚生癭鉢殘蕉覆墨池夕陽藤底望白髮歲寒姿

宮人鬪草

宮對綰游絲池風約鬢枝笑迎知種別徑轉誤人疑
翻袖各含態遺芳如有思還餘斷腸恨消向鬪碁時

感賦孫並聲

我不柰何我卿應自愛卿老餘肝胆在閒覺世途輕
獨坐修花史訛言付墨兵近來胡蝶懶未肯化莊生
七言律

送項東鼇入覲

昔年鳧鳥影翩翩仙令華亭度紫烟縣底依然莢李
色囊中幾賦筆花篇朝天重拍一雙雀指日還調
十五絃共說張華今入洛劍光高逼斗牛邊

壽吳醫士父

君自延陵季子儔黃花酒熟正當秋閒來共客扶藪
杖醉後憑人整鹿裘茶碾就烹蕉葉下藥瓢斜挂杏
枝頭仙郎更有長生訣海屋新添七十籌

答遠

經旬隱几廢簪冠不住深山得考槃酒德未能通草
聖兵符或恐在蒲團吾從屠釣才應老手卷風雷夢
亦寒却笑故人窺此意題書千里勸加餐

沉泖登塔四首

其一

明河秋水浸長天倒影奔流瀉百川地脉空虚浮色
界波光搖蕩入村田江清霜氣酣紅葉月暈寒濤白
吐烟醉後乘潮弄歌去浪花不動老龍眠

其二

湖上舟扁酒一瓢蘆花影裡衣雲遙風吹大澤生陰
火天入平沙斷野橋神女弄珠乘夜月支公飲酒浴
春潮茫茫烟雨無尋處鷗鳥飛來欲聽簫

其三

寺門楊柳聚栖鴉塔上寒燈落葦花水月平臨空作

觀烟波縈遠樹爲家鐘殘鳥食施荒草日午龍髯曝
暖沙一片石臺秋色裏老僧時出浣袈裟

其四

四面空波捲大荒中州有寺繞重楊水扉風送青蕪
色石塔烟籠白寶光虹氣吸雲疑海市神登騎浪渡
魚梁臨流無限懷人意愁殺蒹葭一夜霜

三柳重陰贈賀項華亭課最北上

月明花影滿河陽奏最曾聞達建章十道徵書隨鳳
下五雲飛舄化鳧翔珠簾不捲絲桐靜寶篋猶藏諫

唐公集
草香遙想縣門垂柳色它年應擬似甘裳

送方象甫北上

司馬乘春向北平陰符在匣寶刀橫莫因雨雪愁行
路聞說關門欲解兵芳草未銷殘燒跡黃河直歷飽
帆聲到時知尔烽烟淨好爲題書慰耦耕

詠白燕二首

其一

游絲淡蕩若爲容此日翻憐粉黛工傳信不隨青鳥
去忘機時狎白鷗中踏殘玉樹晴還雪飛傍珠簾色

是空別院春光更無限
梨花夜月柳花風

其二

紛紛白水滿春塘
淡雨微烟更渺茫
新壘莢花紅粉薄
隔樓芳草雪衣涼
舞翻掌上明珠色
零落釵頭片玉香
正是懷人太無賴
忽驚殘月照空梁

偕佛占嘯民下山同汎嘯民善嘯

下山迴棹晚春和
扇底魚吹對底波
欹枕臥看山氣好
焚香靜覺鳥聲多
青天渺渺仙人笑
白石粼粼漁者歌
歸去只愁車馬路
板扉何日長深蘿

送王辰玉

岐路徘徊泪欲潜
臨行折贈菊班班
秋聲霜煖未聞
雁日落草枯
惟見山幾向斷橋
鞭款段何時修竹坐
潺湲欲知別後愁
如許滿篋新詩爲尔刪

賀詹郡侯考滿并壽

百里陽和大海東
循良今喜得文翁
治先禮樂兄先
最邑有絃歌識
魯中春色馬帶
桃花色寶篆香
隨柳絮風御屏已
自親題姓千載
還知勒鼎鐘

賦得宮人鬪草

內家結隊鬪春光雜坐花茵笑語忙
歷盡夜來金轆路不禁扇底画衣香
羞拈游女尋常種試問宜男若
個藏莫戀幽叢候新月後宮卷耳未盈筐

山中作同沈孺休孫世聲

籃輿倦游便貪眠彛鼎圖書自在緣
洗耳尚逢高士笑折腰肯受小兒憐
白駒谷口花迷路黃犢廬邊稻
滿田雪色後槽新歷酒客來不費杖頭錢

壽朱近溪

幾年踪跡歎飛鴻
歸隱携家泗水東
回憶兒童騎竹

日漸隨長者看花筇心閒未許摧頭白客少非關借
酒紅四壁雖貧書萬卷衡門紫氣已成虹

攜李丁烈婦伏劒殉夫士大夫卜壤塋之送者
萬餘人拜墓之後感而賦此摠六首

其一

欲罷招魂調轉哀傷心今古自徘徊等閒白骨成秋
草爾獨黃金築夜臺照鏡孤鸞隨影盡讀碑下馬幾
人來雙旌莫遣經羞墓怨霧愁雲黯不開

其二

孤墳半畝枕蒿萊一點冰心若個猜
老樹叢祠狐竄泣百花香土鳥啣來
永傳幼婦江邊石不作秦王劫裏灰
寂莫千秋誰弔古短衣白髮掃蒼苔

其三

伏劔從夫亦大奇清風百世汝真師
鏡分地下終當合兵解人間未知名
士如雲爭上冢使君不日起專祠
玉鳧金雁豪家墓什盡空山沒字碑

其四

蕭條露屋度年華女史何曾授大家
不分紅顏輕白

刃却勝青冢怨黃沙血痕黯淡凝啼竹燐火微茫照
續麻松柏凌寒高百尺嚴霜休打女蘿花

其五

撮土雖新骨尚香竹吟到此盡沾裳劔花血濺千年
碧墓艸陰扁六月霜正氣豈能駘颺颺清魂春不化
鴛鴦道傍古冢壘壘者誰采溪蘋荐一觴

其六

少年忼慨激頽波綦縞今朝勝綺羅有鳥求凰別求
侶生男如虎不如它英雄半向烟花死仙骨須知節

義多化雀夜歸華表上令威消息恐蹉跎

新秋六首

其一

夜來秋色到梧桐片葉分飛禁苑中鴻雁一聲長塞
北鱸魚七月大江東青樓少婦調砧杵白馬胡兒閉
角弓大火西流寒欲近授衣誰復念幽風

其二

一片秋聲入埜塘西風蕭瑟響寒蜚馬嘶大漠川沙
白鷹下平原艸木黃疎菊籬邊如待酒芰荷池上可

爲裳懷人萬里情無限
隔岸兼葭夜未霜

其三

悲秋無奈獨高歌
歌罷其如秋色何
金屋佳人啼素扇
玉門老將枕瑯戈
玄蟬咽露驚飛葉
烏鵲披星欲渡河
聞說洞庭湖水濶
朝添新綠漾微波

其四

西望瀟湘秋水長
大風初捲白雲揚
銀河夜落機中錦
玉露朝侵陌上桑
螢渡空梁栖燕幕
魚翻靜渚戲蓮房
亦知此日行吟者
一段愁心挂夕陽

其五

莫雲縹緲大江邊
搖落秋風又一年
古堞啼烏星欲暝
荒臺游鹿露初鮮
陰陰樹色遲清夢
杳杳鍾聲兀
懶禪多少天涯游
子在劔花彫盡草衣單

其六

門掩秋風正寂寥
荒原落日草蕭蕭
獼猴趁月窺山
果鳥雀驚人下黍苗
華屋珠簾嬌白苧
疎燈角枕怯
冰綃閒來偶渡前溪口
柳葉菱花一尺潮

雪中舞鶴十首

其一
舞鶴曾披鮑照文雪中妍態更紛紛碧空搖曳仙人
馭縞素騰驤君子軍響作珮環敲夜月影翻簾幙卷
晴雲寒鷗飢鶻空相妬雲漢孤蹤自不羣

其二

秋暮遙聞磬露悲凌風獨傲歲寒時六花玉剪青田
翻三樹珠縈碧落姿北海霜鴻猶避弋西籬雲鷺可
爲儀從今清賞銀屏夜不遣紅兒按柘枝

其三

同雲黯淡景淒淒密霰疎翎高復低粧罷臨風梅墜
額袖長垂地絮沾泥貞姿不羨彈朱雀清影如調吐
綬鷄聞說越裳來白雉鳳池春煖好同栖

其四

雪花輝映鶴澄鮮上下參差兩闔妍丘壑自誇孤翮
健風塵不作折腰憐竹岩隆响頻迴步茶竈飄香欲
避烟聳翮直憑高處望何人乘月剡溪前

其五

九臯逸格杳難攀更喜冰霜爲洗顏四望流光真淡

宕一回弄影亦高閒
鮫人風動寒珠箔
羽客春酣倒玉山
多少雕籠雪衣女
羈心空托隴雲還

其六

簾籠佳氣曉氤氳
掠袂低鬟屢顧羣
碎羽滿空遙莫辨
清音摩漢始相聞
纏頭點綴紅番錦
洒翰淋漓白練裙
蕙帳依然明月在
夜寒休怨北山雲

其七

霜紈冰繭疊輕茵
有鳥來儀小院春
穿入梅花搏素彩
撲殘瓊對落香塵
御風玉洞肩高頂
弄月珠簾影

似人太史書年方表瑞兩階干羽莫辭頻

其八

飄蕭松竹偃雕闌頂颺旆花只未殘洗刷但教塵土
淨翩翩不惜羽毛寒冰絃凍拍雙飛雁玉鏡春描對
照鸞緜嶺月明多故侶 軒雖好莫盤桓

其九

瑞葉玲瓏映綺疏蕭蕭仙翮戲庭蛛花林索伴騰猿
影苔砌尋踪印鳥書寒色離披珠母障春風蕩漾玉
人裾當年有客呈鸚鵡誰信冰山化子虛

其十

克園春動物華新
靈羽聯翩顧影頻
欲逞華姿全躡
翅不禁寒艷巧迴身
電飛俠骨雙丸劍
風卷蠻腰獨步塵
殘毳一庭如積素
莫教齊付掃花人

壽汪先生九十

滿肩雪髮老南華
九十春光日未斜
鳩舞杖頭脚綠
玉鶴隨屐齒啄丹砂
新詩帶月題蕉葉
清嘯臨風入澗花
長飲一盃廉吏水
不須洞口問胡麻

壽周崇德

七月十五日

年少初傳卓魯名，德星遙傍歲星明。
絲毫魯冠三千牘，綠綺新調十五聲。
花縣雲開鳧鳥近，宣城雨洗鵲橋清。
天孫謾說支機石，爭似神君製錦成。

送蔡禮卿之嶺南

鵬弓虎韞好橫行，年少江東久著名。
不獨韜鈴無對壘，從來詩句亦長城。
寶池印月珠胎動，犀火燒雲海怪清。
試壓荔枝千石酒，臨流一醉伏波營。

春暮作

朝來風雨頗支吾，花事於今尚有無。
終日捲簾通燕

燕一春高枕唱烏烏村深客饌供櫻笋水落魚竿桂
荻蘆莫笑迂疎長閉戶誤人頭白是陰符

壽丘伯畏六十

時逢長至

清時乞得五湖身自許烟霞嶺外臣金卻四知無慕
夜酒逢千日有長春鳴琴堂上絃如綺舞袖尊前錦
更新玉瑄陽和生氣轉夜來還送石麒麟

壽關使李叔玄母夫人

關門使者最稱賢更喜高堂引大年綉佛齋前持偈
久麻姑海外有書傳官清乞得五千字道遠難將第

二泉獨寄一廡堪壽母行衰不住水衡錢

贈貫蘇臺

芰荷衣冷葛巾斜人說當時季子家
片片青山落君手年年白髮買烟霞
杖頭錢挂中千酒籬下菊留重
九花來去扁舟有秋水道遙應不讀南華

壽韓封君七十二首

其一

宮袍遙酒雙斟書錦堂前樂
深玉軸帝恩頒紫誥彩毫文學到
雞林齊眉案有長春酒洗耳門無暮

夜金舊說龐公偕老處可朝野獻謳吟

其二

蕭蕭華髮未盈冠百歲松筠傲歲寒晚節到頭成
境雄心歛自付蒲團青山甘隱封侯骨白日難消不
老丹有子名高循吏傳恩綸咫尺下長安

軒司馬首唱依韵奉和二首

其一

節旄零落厭時名白髮黃柑酒對傾下士不辭虛左
所何人堪入汝南評啼鳥對老悲風動羅雀門深夜

色清聽罷艱危各惆悵梅花寒笛起高城

其二

英雄垂老未藏名廿載深心向客傾樵牧誰收文苑
傳聖賢還付舊鄉評老梅約束香中韻凍月虛驕格
外清自倚冰霜語歷盡不愁寒色動江城

贈梅顛道人三首

廿六

謫來塵劫度年華仙府詞臣第一家五岳峰高聯綠
髮六銖衣曉綉丹砂新詩帶月題蕉葉清嘯隨風入

澗花骨相從看似山鶴終將野性傲烟霞

其二

黃冠白塵最清閒家在沙青水碧間竹籬門蕉葉參
差見槿爲墻草閣茅簷酒腸鬆詩債畢彈一曲高山
調讀一行秋水篇咲呵呵如醉如顛

其三

蓑衣竹笠最清閒只在沙清水碧間蓼花深蘆荻兼
葭淺舞雙橈撥破雲烟山月下溪對邊看一幅天然
画結一生自在綠笛聲長酒白魚鮮